

পঞ্চম অধ্যায় ঃ

বাইআতের হাকীকত

সাহাবীগণ নবীজির কাছে বাইআত গ্রহণ করার সময় হযুর সাল্লাল্লাহু

কালেমার হাকীকত- ৪৭

www.sunnibarta.com

আলাইহি ওয়া সাল্লাম তাঁদের হাতের উপর নিজ পবিত্র হাত রাখতেন । এদিকে ইঙ্গিত করেই অত্র আয়াত নাযিল হয়েছে । এখানে রাসুলের হাতকে আল্লাহ নিজের কুদ্রতের হাত বলেছেন । এতেই আল্লাহর সাথে নবীজীর ঘনিষ্ঠ সম্পর্কের প্রমাণ পাওয়া যায় ।

উক্ত আয়াত মর্মে একথারও প্রমাণ পাওয়া যায়- যারা মুর্শিদের হাতে বাইআত গ্রহণ করে- তারা প্রকৃতপক্ষে নবীজির হাতেই বাইআত গ্রহণ করে । সুতরাং প্রমাণিত হলো- নবীজির হাতে বাইআত করলে এই বাইআত বাইআতুল্লাহ হয় । আর মুর্শিদের হাতে বাইআত করলে এই বাইআতে শেখ-ই বাইআতুর রাসুল হয় । ইহাকেই আরবীতে বলা হয় “বি-ওয়াছিতাতে খোলাফায়িহি” বা রাসুলের প্রতিনিধিগণের মাধ্যমে রাসুলের বাইআত । আল্লাহর প্রতিনিধি হলেন রাসুল এবং রাসুলের প্রতিনিধি হলেন শেখ বা পীর । প্রতিনিধির কাছে বাইআত গ্রহণ করলে ইহাই মালিকের বাইআত বলে গন্য হয় । (প্রমাণ তাফসীরে রুহুল বয়ান ও তাফসীরে সাভী - উপরোক্ত আয়াতের ব্যাখ্যা) ।

বাইআতের হাকীকত হলো- “আল্লাহও রাসুলের আনুগত্যের শপথ গ্রহণ করা” । ইহা একটি শক্ত রশির ন্যায়- যার এক মাথা রাসুলের হাতে, অপর মাথা আল্লাহর হাতে । অনুরূপভাবে মুর্শিদের হাতে থাকে নিম্ন মাথা এবং রাসুলের হাতে থাকে উপরের মাথা । ইহাকে সিলসিলা বা শিকলের কড়া বলা হয় । পীরের বাইআত, ন্যায়পরায়ণ বাদশাহর আনুগত্যের বাইআত ও রাসুলে পাকের বাইআত মূলতঃ আল্লাহরই বাইআত (তাফসীরে রুহুল বয়ান, ও তাফসীরে সাভী, ২৬ পারা উক্ত আয়াতের ব্যাখ্যা) ।